

Akiliuteqarluni aallaaniarneq aalisarnerlu pillugit Namminersorlutik Oqartussat nalunaarutaat

Piniarneq aallaaniarnerlu pillugit Inatsisartut inatsisaanni § 16, imm. 3, 2. pkt., aamma 4, § 17, § 18, § 19 aamma § 20, Piniarneq aallaaniarnerlu pillugit Inatsisartut inatsisaat tunngavigalugu Namminersorlutik Oqartussat nalunaarutaat nr. 30, 26. marsi 2025-meersoq takuuk kiisalu Aalisarneq pillugu Inatsisartut inatsisaanni nr. 29-mi, 23. maaji 2024-meersumi § 6, imm. 2 aamma imm. 3, §§ 51, 55, 68, imm. 1, nr. 2-4, imm. 2 aamma § 71, imm. 4, naapertorlugit aalajangersarneqarpoq:

Kapitali 1

Atuuffik aamma nassuiaatit pillugit aalajangersakkat

Atuuffik

§ 1. Nalunaarut nunami imaanilu Kalaallit Nunaata oqartussaaffigisaani akiliuteqarluni aallaaniarnermut aalisarnermullu atuuppoq.

Imm. 2. Akiliuteqarluni aallaaniarnermik aaqqissuussisarneq pillugu Inatsisit allat malillugit piumasaqaatit aalajangersarneqartut naapertorlugit allatut erseqqissumik malittarisassaqaanngippat nalunaarut atuuppoq.

Nassuiaatit

§ 2. Nalunaarummi matumani tulliuuttut ima paasineqassapput:

- 1) Akiliuteqarluni aallaaniarneq: Aallaaniarneq akiliuteqarnikkut aaqqissuussisumit akuerisaasumit aaqqissuunneqartoq.
- 2) Akiliuteqarluni aalisarneq: Sinerissap qanittuani aalisarneq takornariatut aalisarsinnaanermut allagartamut akiliuteqarnikkut ingerlanneqartoq.
- 3) Inuk: Inuk timitalik.
- 4) Aalisarnermut atortut tigungmiartakkat: Qissattaat aamma oqummersat.
- 5) Piniakkat mikinerusut: Timmissat, ukallit, terianniat aamma puisit eqqissisimatitaanngitsut.
- 6) Outfitter: Inuk aallaaniarnermik aamma imaluunniit takornarialerinikkut aalisartitsinermik aaqqissuussinernut atortulersuutinik, atortunik aamma atisanik isumaginnittoq.

Kapitali 2

Akiliuteqarluni aalisarneq

§ 3. Akiliuteqarluni aalisarneq taamaallaat inunnit takornariatut aalisarsinnaanermut atuuttumik allagartalinnit ingerlanneqaaqusaavoq, taamaattorli imm. 3 takuuk.

Imm. 2. Takornariatut aalisarsinnaanermut allagartaq inummut atiatigut taasamut taamaallaat atuuppoq allanullu tunniuteqqusaanngilaq, tuneqqusaanngilaq, attartorteqqusaanngilaq, atorteqqusaanngilaq assigisaanilluunniit pineqaqqusaanani.

Imm. 3. Inuit 12-it inorlugit ukiullit inummik 18-nik ukiulimmik utoqqaanerusumilluunniit peqateqartut taassuma takornariatut aalisarsinnaanermut allagartaanut ilaatinneqarput. Qassinik ukioqarnermut uppersaat nassarneqartassaaq.

Imm. 4. Kialuunniit politiit, piniarnermik nakkutilliisut, aalisarnermik nakkutilliisut imaluunniit allat Aalisarnermut Naalakkersuisoqarfimmit tamatumunnga piginnaatitaasut piumasaqarnerisigut,

akiliuteqarluni aalisarsinnaanermut pisinnaatitaaffeqarnini takornariatut aalisarsinnaanermut allagartaminik atuuttumik takutitsinermigut uppersarsinnaasariaqarppaa.

§ 4. Akiliuteqarluni takornariatut aalisarsinnaanermut allagartaq Aalisarnermut Naalackersuisoqarfimmiiit akiliinissamut allagartatut tunniunneqartassaaq. Taamaattorli bankikkut nuussinermikkut aamma akiliisoqarsinnaavoq imaluunniit nittartakkakkut akiliinikkut.

Imm. 2. Takornariatut aalisarsinnaanermut allagartaq aalisarnermut atortunik tigungmiartakkanik atortoqarluni malittarisassat makku malillugit aalisarsinnaanermut pisinnaatitsivoq:

- 1) Takornariatut aalisarsinnaanermut allagartaq A ullormut unnuamullu ataatsimut atuuttoq, piffissamiit akilernerqarfigisamiit ullup unnuallu tulliuuttup naanissaata tungaanut atuuppoq.
- 2) Takornariatut aalisarsinnaanermut allagartaq B sapaatip akunnera ataatsimut atuuttoq, piffissamiit akilernerqarfigisamiit ullut unnuallu tulliuuttut 7-t naanissaasa tungaanut atuuppoq.
- 3) Takornariatut aalisarsinnaanermut allagartaq C qaammammut ataatsimut atuuttoq, piffissamiit akilernerqarfigisamiit ullorsiutillu malillugit ulluni 30-ni tulliuuttuni atuuppoq.
- 4) Takornariatut aalisarsinnaanermut allagartaq D ullorsiutit malillugit ukiumi ataatsimi atuuttoq, piffissamiit akilernerqarfigisamiit ukiumi tassani 31. december ilanngullugu atuuppoq. Takornariatut aalisarsinnaanermut allagartaq D taamaallaat suliffeqarfinnut takornarialerinerimik ingerlataqartunut atuuttumik akuersissuteqartunut atuuppoq, aalisakkanik killilersugaanngitsunik akiliuteqarluni aalisarnermik ingerlataqartunut.

Imm. 3. Akiliinissamut allagartaq aqutugalugu akiliinermi allakkerisarfiup naqitsisaani ulloq taaneqartoq atuuttoq piffissamut akiliiffusumut uppersarsaataavoq, takuuk imm. 2.

Imm. 4. Bankikkut nuussinikkut akiliinermi tassannga uppersarsaat piffissamut akiliiffusumut uppersarsaataavoq, takuuk imm. 2.

Imm. 5. Nittartakkakkut akiliinikkut akiliinermi tassannga uppersarsaat piffissamut akiliiffusumut uppersarsaataavoq, imm. 2 takuuk.

Imm. 6. Akiliuteqarluni aalisarsinnaanerup aqunneqarneranut atatillugu allaffissornikkut ingerlatsineq pisariaqartoq isumageqqullugu Aalisarnermut Naalackersuisoqarfiup kommunit peqqussinnaavai, taamatuttaarlu suliffeqarfiit, allakkerisarfiit aamma takornariartitsinermut allaffiit assigisaalluunniit takornariatut aalisarsinnaanermut allagartanik tunniussinermik piginnaatissinnaallugit.

§ 5. Takornariatut aalisarsinnaanermut allagartap tunniunneqarnerani ullormut ataatsimut, sapaatip akunneranut ataatsimut imaluunniit qaammammut ataatsimut akiliuteqartitsisoqartarpoq. Takornariatut aalisarsinnaanermut allagartaq D-mut akiliutissap takornariatut aalisarsinnaanermut allagartaq A-mut inummut ataatsimut akiliutissaq assigaa. Akiliutigineqartup annertussusissaa Inatsisartut aningaasanut inatsisaat naapertorlugu aalajangersarneqartarpoq.

Imm. 2. Akiliutigineqartoq nunatta karsianut nakkartinneqartarpoq.

Kapitali 3

Piniakkanik killilersukkanik, killilersugaanngitsunik aamma piniakkanik mikinerusunik akiliuteqarluni piniartitsineq

Pisassanik aalajangersaaneq agguassinerlu kiisalu aallaaniarnissamut piffissaliussanik piniarfissanillu aalajangersaaneq

§ 6. Naalackersuisoq piniarnermut akisussaasuusooq uumassusililerinikkut siunnersuineq eqqarsaatigalugu piniakkanik killilersukkanik aamma piniakkanik killilersugaanngitsunik akiliuteqarluni aallaaniarnissamut pisassiissutinik, aallaaniarnissamut piffissaliussanik aamma piniarfissanik sivirusnerpaamik ukiunut pingasunut atuuttussanik aalajangersaasinnaavoq, taamaattoq imm. 2 takuuk.

Imm. 2. Akiliuteqarluni aallaaniarnermik aqqissuussisartut, piniarnerq pillugu siunnersuisoqatigiinni ilaasortat, inuussutissarsiutigalugu piniartut kattuffii aamma peqatigiiffii kiisalu soqutigisaqatigiit pisassiissutinik, aallaaniarnissamut piffissaliussanik aamma piniarfissanik aalajangersaasoqannginnerani tusarniarneqassapput, soorluttaaq tamanut ammasumik tusarniaasoqassasoq.

Imm. 3. Piniarnermut Naalackersuisoqarfiup pisassiissutit aalajangersarneqartut pisassiissutinut minnerusunut nunaminertani piffissaliussanilu killilikani piniarneqarsinnaasunut immikkoortissinnaavai, taakkulu suaassutsimikkut utoqqaassutsimikkullu immikkoortinneqarsinnaallutik.

§ 7. Piniarnermut Naalackersuisoqarfiup pisassiissutit, § 6, imm. 1 takuuk, qinnuteqarnikkut § 8 malillugu akuersissummik pigisaqartunut agguaattarpai.

Imm. 2. Pisassiissutinik aalajangersarneqartunik agguaassinermi Naalackersuisoqarfup qinnuteqartup piniarfimmik ilisimasaqarnera, akiliuteqarluni piniartitsinermik misilittagaqarnera, siornatigut akuersissutinik tunniussivigineqarnera aamma atuinera, nalunaaruteqarnissamut pisussaaffeqarnerata naammassinninnera, piffissaq eqqorlugu akuersissutinut akiliuteqartarnera kiisalu aallaaniarnermut atatillugu malittarisassanik malinnittarnera pingaartissinnaavai.

Imm. 3. Akiliuteqarluni piniarnermik aaqqissuussisartut piniarfimmi aalajangersimasumi akuersissutinik tunniussivigineqarsinnaasut amerlassusaat Naalackersuisoqarfup killilersinnaavaa.

Imm. 4. Naalackersuisoqarfup piniarfik piniarfinnut immikkoortunut minnerusunut immikkoortissinnaavaa kiisalu akiliuteqarluni piniarnermik aaqqissuussisartut nutaat piniarfimmi killilikkami aalajangersimasumi akuersissutitik atuinissamut mattussinnaallugit.

Akiliuteqarluni aallaaniarnermik aaqqissuussisartup akuersissutigineqartarnera

§ 8. Piniarnermut Naalackersuisoqarfik akiliuteqarluni piniarnermik aaqqissuussisartunut akuersissutinik tunniussisartuuvoq.

Imm. 2. Piniakkanik killilersukkanik, piniakkanik killilersugaanngitsunik imaluunniit piniakkanik mikinerusunik akiliuteqarluni aallaaniarnek taamaallaat inunniit Piniarnermut Naalackersuisoqarfimmiit taamatut aaqqissuussinissamut akuersissummik pissarsisimasunit aaqqissorneqaqqusaavoq, taamaattorli § 22, imm. 3 takuuk.

Imm. 3. Akuersissut ukununga atuuttussatut tunniunneqarsinnaavoq:

- a) piniakkanut killilersukkanut ataasiakkaanut imaluunniit arlalinnut,
- b) piniakkanut killilersugaanngitsunut ataasiakkaanut imaluunniit arlalinnut,
- c) piniakkanut mikinerusunut aamma
- d) akiliuteqarluni aallaaniarnissamut pisassanik, piniarfissanik aamma aallaaniarnissamut piffissaliussanik aalajangersaaneq naapertorlugu piniarfimmut, aqutsiveqarfimmut aallaaniarnissamut aamma piffissaliussamut aalajangersimasumut.

§ 9. Akiliuteqarluni aallaaniarnermik aaqqissuussisinnaanermut akuersissut taamaallaat pigisaqartup akuersissutaanut nunaminertani ilanngunneqarsimasuni akiliuteqarluni aallaaniarnermik aaqqissuussinissamut pisinnaatitsivoq.

Imm. 2. Akiliuteqarluni aallaaniarnek piniakkanut pineqartunut atatillugit akiliuteqarluni aallaaniarnermut malittarisassat inatsisiliornermi allami aalajangersarneqartut malillugit ingerlanneqassaaq.

Imm. 3. Piniakkanik killilersukkanik, piniakkanik killilersugaanngitsunik aamma piniakkanik mikinerusunik akiliuteqarluni aallaaniarnermik aaqqissuussisinnaanermut akuersissut inummut ataatsimut imaluunniit inunntut ataatsimoortunut inuttut namminertut toqqaannartumillu akisussaaffeqartunut kiisalu § 10-mi piumasaqaatinik naammassinnittunut tunniunneqarsinnaavoq.

Inuit ataasiakkaat akuersissutigineqartarnerat

§ 10. Inuit ataasiakkaat akiliuteqarluni aallaaniarnermik aaqqissuussisinnaanissamut akuersissummik qinnuteqartut piumasaqaatit tullinnguuttut naammassissavaat, § 9, imm. 3, takuuk:

- 1) Qinnuteqartoq Kalaallit Nunaanni atuuttumik inuussutissarsiutigalugu imaluunniit sunngiffimmi piniarsinnaanermut allagartaqassaaq piffissarlu qinnuteqarfusoq sioqqullugu ataannartumik ukiuni siuliini tallimani atuuttumik allagartaqarsimassalluni.
- 2) Qinnuteqartoq minnerpaamik ukiuni siuliini marlunni piniakkamik pineqartumik uppersarsarneqarsinnaasumik piniarnermik misilittagaqarsimassaaq kiisalu pisaqareernerup kingorna pisamik passussinermik misilittagaqarsimassalluni.
- 3) Qinnuteqartup piffissaq qinnuteqarfusoq sioqqullugu minnerpaamik qaammatisiutip ukiuni siuliini marlunni piniarfimmi pineqartumi pisanik nalunaaruteqarnikkut piniarnermut tunngasumik misilittagaqarneq uppersarsinnaassavaa.
- 4) Qinnuteqartoq:
 - a) outfitteriussaaq,
 - b) tammajuitsussanik aanaveersaarnissamut Piniarnermut Naalackersuisoqarfimmit akuerisaasumik pikkorissarnermik angusisimanermit uppersarsaateqassapput imaluunniit
 - c) outfitter-itut aamma tammajuitsussanik aanaveersaasinnaanermut tunngasumik allatigut assingusunik piginnaasaqalersimaneq uppersarsarsinnaassallugu, kiisalu inuussutissarsiutigalugu piniarneq,

akiliuteqarluni aallaaniarneq imaluunniit takornarialerineq assingusooq minnerpaamik ukiuni marlunni misilittagaqarfigissallugu.

Imm. 2. Akiliuteqarluni aallaaniarnermik aqqissuussisinaanissamut akuersissummik tunniussinermi tullinnguuttut pingaartinneqarput:

- 1) Qinnuteqartoq akiliuteqarluni aallaaniarnermik aqqissuussinissamut pisariaqartunik assartuutinik, najugaqarfigineqarsinnaasunik kiisalu atortunik pigisaqartoq,
- 2) Qinnuteqartoq sumiiffimmi suliffissanik pilersitsinissamut kiisalu sanatitsinermi, nioqquteqarnermi aamma kiffartuunneqarnermi sumiiffimmi pisiortorfinnik atuinissamut piumassuseqartoq piginnaasaqartorlu,
- 3) Qinnuteqartoq takornarialerinermik misilittagaqartoq, aamma
- 4) Qinnuteqartoq sumiiffimmut attuumassuteqartoq.

Imm. 3. Imm. 1-imi piumasaqaatit naammassineqarnerat pillugu Piniarnermut Naalakkersuisoqarfik uppersaateqartoqarnissaanik piumasaqarsinnaavoq.

§ 11. Akiliuteqarluni aallaaniarnermik aqqissuussisartunut akuersissutit ukiumut ataatsimut, marlunnet, pingasunut, sisamanut imaluunniit tallimanut atuuttussatut tunniunneqarsinnaapput.

Imm. 2. Imm. 1 malillugu akuersissutit akuersissutit tunniunneqarneraniit ukiup ataatsip iluani atornerqalereersimassaaq, taamaanngippat akuersissutit atuukkunnaarsinneqassaaq. Akuersissutit atuunnerannik sivitsuineq qinnuteqarnikkut qinnuteqaammillu akuersinikkut sivisunerpaamik ukiunut tallimakkaanut tunniunneqarsinnaavoq.

Imm. 3. Akuersissummi piniakkanut aamma nunaminertanut sorlernet atuunnersooq, kiisalu piumasaqaatit killiliinerillu allat nalunaarut matuma malillugu aalajangersarneqartut allaqqassapput.

Imm. 4. Akuersissutit inummut atiatigut taasamut taamaallaat atuupput allanullu tunniunneqaratik, tunineqaratik, attartortinneqaratik atukkiunneqaqqusaanngillat.

Piniakkanik killilersukkanik, piniakkanik killilersugaanngitsunik aamma piniakkanik mikinerusunik akiliuteqarluni aallaaniarnermi ilisimasortanut piumasaqaatit

§ 12. Akiliuteqarluni aallaaniarnermik aqqissuussisartoq piniakkanik killilersukkanik, piniakkanik killilersugaanngitsunik imaluunniit piniakkanik mikinerusunik akiliuteqarluni aallaaniarnerup ingerlanneqarnerani ilisimasortamik atuippat, ilisimasortap piumasaqaatit makku naammassissavai:

- 1) Inuiaqatigiinnut kalaallinut aalajangersimasumik attuumassuteqarneq.
- 2) Kalaallit Nunaanni aalajangersimasumik najugaqarneq.
- 3) Kalaallit Nunaanni atuuttumik inuussutissarsitugalugu imaluunniit sunngiffimmi piniarsinnaanermut allagartaqarneq.
- 4) Piniakkamik pineqartumik piniarnermik misilittagaqarneq kiisalu pisaqareernerup kingorna pisamik passussinermik misilittagaqarneq.
- 5) Kalaallit Nunaanni piniakkamik pineqartumik piniarnikkut ilisimasaqarneq, aamma
- 6) Akiliuteqarluni aallaaniarnermik aqqissuussineq sillimaniarnikkut illersorneqarsinnaasumik ingerlatsisinnaaneq.

Imm. 2. Piniakkanik killilersukkanik imaluunniit piniakkanik killilersugaanngitsunik akiliuteqarluni aallaaniarnermi ilisimasorta qeqataasooq minnerpaamik ataaseq tammajuitsussanik aanaveersaarnissamut Piniarnermut Naalakkersuisoqarfimmit akuerisaasumik pikkorissarnermik angusisimanermit uppersaateqassaaq, imaluunniit ilisimasortatut aamma tammajuitsussanik aanaveersaasinnaanermut tunngasumik allatigut assingusunik piginnaasaqalersimaneq uppersarsinnaassallugu.

Imm. 3. Imm. 1-imi aamma imm. 2-mi piumasaqaatit naammassineqarnerat pillugu Piniarnermut Naalakkersuisoqarfik uppersaasoqarnissaanik piumasaqarsinnaavoq.

§ 13. Aallaaniarnerup aallartinginnerani aallaaniarnermut atatillugu aallaasit atornerqartussat nakersarneqarsimanissaat piniakkamullu pineqartumut piumasaqaatinut naammassinnissimanissaat akiliuteqarluni aallaaniarnermik aqqissuussisup imaluunniit ilisimasortap qulakkiissavaa, kiisalu aallaaniartup aallaasit atornerqartussat akuerissutit pisariaqartut pigereerai qulakkiissallugu.

Imm. 2. Aqqissuussisartut imaluunniit ilisimasortat uumasunik pissatanik toqutsinissamut qoorortuumik nassataqassapput.

Imm. 3. Aqqissuussisartut imaluunniit ilisimasortat akiliuteqarluni aallaaniarnermik aqqissuussinermi suleqataasut akiliuteqarluni aallaaniarnermik aqqissuussinermut atatillugu namminneerlutik

aallaaniaqqusaanngillat, taamaallaat uumasumik pissatamik toqutsinissaq pineqartillugu.
Imm. 4. Aallaaniarnerup naammasseqqammernerani pisanit neqi tamarmi, ammit kiisalu atorsinnaasut allat angerlaanneqarnissaat aqqissuussisartut imaluunniit ilisimasortat qulakkiissavaat, kiisalu pisaqarfup qimataajarnissaa.

Kapitali 4

Immikkut akuersissuteqarneq pillugu aalajangersakkat

§ 14. Kinguaariit nikittoqarnerani imaluunniit inuk pineqartoq piffissani taaneqartuni ilinniarnermik assigisaannilluunniit peqquteqartumik Kalaallit Nunaata avataaniikkallarsimappat Piniarnermut Naalakkersuisoqarfik § 10-mi, imm. 1, piumasaqaatit atuutsinneqannginnissaat pillugu immikkut akuersissuteqarnikkut nalunaaruteqarsinnaavoq. Tamanna Naalakkersuisoqarfimmut takussutissaqartinneqarsinnaassaaq.

Imm. 2. Inuk pineqartoq piffissani taaneqartuni ilinniarnermik assigisaannilluunniit peqquteqartumik Kalaallit Nunaata avataaniikkallarsimappat Piniarnermut Naalakkersuisoqarfik § 12-mi, imm. 1, piumasaqaatit atuutsinneqannginnissaat pillugu immikkut akuersissuteqarnikkut nalunaaruteqarsinnaavoq. Tamanna Piniarnermut Naalakkersuisoqarfimmut uppersarsarneqarsinnaassaaq.

Imm. 3. Piniarnermut Naalakkersuisoqarfik pisortatigoortumik tikeraartunut takornarianut aalisarsinnaanermut allagartat, § 4 takuuk, akuersissutit, § 16 takuuk, kiisalu nalunaarusiorneq, § 17 takuuk, pillugit nalunaarummi aalajangersakkat atuutsinneqannginnissaat immikkut akuersissuteqarnikkut nalunaaruteqarsinnaavoq. Naalakkersuisoqarfik attuumassuteqartut tikeraartut tikinnginneranni sapinngisamik siusinnerpaaq atorlugu pisortatigoortumik tikeraartut pillugit Piniarnermut Naalakkersuisoqarfik allakkatigut nalunaarfigissavaat aalisartoqassanersoq, nujuartanik piniartoqassanersoq imaluunniit taaneqartut tamaasa.

§ 15. Naalakkersuisoq piniarnermut akisussaasuusup inunnet Kalaallit Nunaanni Issittumi Sakkutooqarfik-mi atorfeqartunut qaammatisiutit malillugit ukiumut ataatsimut atuuttumik aalisakkanik killilersugaanngitsunik inuussutissarsiutiginaq aalisarsinnaanissaat aamma piniakkanik mikisunik killilersugaanngitsunik nammineq atugassaminnik aallaaniarsinnaanissaat immikkut akuersissuteqarnikkut nalunaarutigisinnavaa.

Imm. 2. Inuit imm. 1-mut ilaasut piniarnermik nakkutilliisumit imaluunniit aalisarnermik nakkutilliisumit Issittumi Sakkutooqarfik-mi atorfeqarnertik uppersarsaqullugu qinnuigineqartut uppersarsassavaat.

Imm. 3. Issittumi Sakkutooqarfik qinnuteqarnermi inuit imm. 1-mut ilaasut pillugit aternik allattorsimaffimmik ilanngussilluni Piniarnermut Naalakkersuisoqarfimmut januaarimi nassitsisassaaq allannguisoqarneranilu allattorsimaffimmik nutartikkamik nassitsisoqartassalluni.

Imm. 4. Ukiup siuliani pisaasut pillugit nalunaarusiaq Piniarnermut Naalakkersuisoqarfimmut nassiunneqartassaaq. Nalunaarusiaq kingusinnerpaamik januaarip 15-anni naalakkersuisoqarfimmi tiguneqareersimassaaq.

Imm. 5. Imm. 1 naapertorlugu immikkut akuersissuteqarneq inummut atiatigut taasamut taamaallaat atuuppoq allanullu tunniunneqaratik, tunineqaratik, attartortinneqaratik atukkiunneqaqqusaanatilluunniit.

Kapitali 5

Akuersissutit aamma nalunaarusiorneq

Akuersissutit

§ 16. Piniakkanik killilersukkanik aamma piniakkanik killilersugaanngitsunik akiliuteqarluni aallaaniarnermut atatillugu akiliuteqarluni aallaaniarnermik aqqissuussisartut akuerisaasut piniarfimmut akuersissuteqarfisaminnut akuersissutinik qinnuteqassapput. Piniarnermut Naalakkersuisoqarfik tassunga piffissarititaasussamik aalajangersaassaaq. Naalakkersuisoqarfik aallaaniarnissamut akuersissutinik pisamik nalunaaruteqarnissamut immersuiffissartalinnik aamma tammajuitsussamut allagartanik tunniussisassaaq.

Imm. 2. Tammajuitsussanik pisassiissutit tamakkerlugit agguassinnermi siullermi agguanneqarsimangippata akuersissutit sinneruttut akiliuteqarluni aallaaniarnermik aqqissuussisartunut siullertut saaffiginnittunut agguanneqassapput.

Imm. 3. Akuersissutit inummut atiatigut taasamut taamaallaat atuupput allanullu tunniunneqaratik, tunineqaratik, attartortinneqaratik atukkiunneqaqqusaanatilluunniit.

Imm. 4. Akuersissutini imm. 1 malillugu tunniunneqartuni uumasunik qassinik, uumasunik sorlernik, aallaaniarnissamut piffissaliussami sorlermi kiisalu piniarfimmi sorlermi aallaaniartoqaqqusaanersoq allassimassaag.

Nalunaarusiorneq

§ 17. Akiliuteqarluni aallaaniarnermut aqqissuussisartut aallaaniarnermut piffissap naammassereernerata kingorna qaammat qaangiutsinnagu nalunaarusiamik paasissutissanik tulliuuttuni taaneqartunik imalimmik Piniarnermut Naalakkersuisoqarfimmut nassiussaqaassapput:

1) Naalakkersuisoqarfimmiit akiliuteqarluni aallaaniarnermik aqqissuussisartumut akuersissutit atulersinneqartut tunniunneqartut, atorneqartut atorneqanngitsullu tamakkerlugit nalunaarsorneqarnerat.

2) Akiliuteqarluni aallaaniarnermik aqqissuussisartup ilisimasortanik atuinera, ilisimasortat qassiunerat, piffissaliussat, ilisimasortanik pissarsiorneq kiisalu ilisimasortat piginnaaneqarnerat pillugu nalunaarsuineq.

3) Akiliuteqarluni aallaaniarnermik aqqissuussisartup tammaarsimaffinnik inissiinera, tassunga makku pillugit paasissutissat ilanngullugit:

a) tammaarsimaarfinni atortut teknikkikkullu atortulersuutit, aamma

b) tammaarsimaarfinnut tammaarsimaarfinniillu assartuineq atorneqartoq.

4) Akiliuteqarluni aallaaniarnermik aqqissuussisartup piniarfinnik atuineranit nunap assinga.

5) Akiliuteqarluni aallaaniarnermik aqqissuussisartup neqinik tammajuitsussanillu piniarfimmiit assartuina.

6) Pisat neqaannik atuineq.

7) Akiliuteqarluni aallaaniarnermik aqqissuussisartup aallaaniarnermut atatillugu piniarfiup iluani assartuutunik motoorilinnik atuinera.

Imm. 2. Akiliuteqarluni aallaaniarnermik aqqissuussisartut D-mut atasumik takornarianut akiliuteqarluni aalisarnikkut sullitaqarsimasut immersuiffissamik immersukkamik paasissutissanik imm. 1 malillugu piumasarineqartunik imalimmik qaammatit pingasukkaarlugit Naalakkersuisoqarfimmut nassiussaqaassapput.

Kapitali 6

Nakkutilliineq, pineqaatissiissutit aamma akuersissummik atorunnaarsitsineq Nakkutilliineq

§ 18. Nalunaarummi matumani aalajangersakkat malinneqarnerat piniarnermik nakkutilliisut aamma aalisarnermik nakkutilliisut imaluunniit inuup allap Piniarnermut Naalakkersuisoqarfimmit pisinnaatinneqartup nakkutigissavaat.

Pineqaatissiissutit

§ 19. Kalaallit Nunaanni pinerluttulerinerneq inatsimmi malittarisassat malillugit makku akiliisitsineramik kinguneqassapput:

1) Takornarissanut aalisarsinnaanermut atuuttumik allagartaqarnissaq pillugu § 3-mi, imm. 1 aamma 2-mik, aalajangersakkanik unioqquitsinermi,

2) § 3-mi, imm. 4, allaaserineqartutuut uppersaammik takutitsisoqarnissaanik piumasarineqartutuut takutitsinnginnermi.

3) § 4, imm. 2, naapertorlugu aalisarsinnaanermut atortut akuerisaasut atornagit aalisarnermi.

4) § 4, imm. 2, naapertorlugu takornarianut aalisarsinnaanermut akuersissutit piffissatigut atuuttut avataatigut aalisarnermi.

5) § 8, imm. 2, naapertorlugu akiliuteqarluni aallaaniarnermik aqqissuussisinnaanermut akuersissummik pissarsisimanani tamatuminnga aqqissuussinermi.

6) Akuersissummi piumasaqaatinut imaluunniit killiliinernut § 11, imm. 3, naapertorlugu aalajangersarneqartunut akerliusumik akiliuteqarluni aallaaniarnermik aqqissuussinermi.

7) § 11, imm. 3, naapertorlugu akiliuteqarluni aallaaniarnermik aqqissuussisinnaanermut akuersissutit pillugit malittarisassanik unioqquitsinermi.

- 8) Akiliuteqarluni aallaaniarnermik aaqqissuussinermi § 12-mik, imm. 1 imaluunniit 2, qaangiinnagaasumik ilisimasortanik atuinermi.
- 9) § 13, imm. 1-4, naapertorlugit aaqqissuussisartunut aamma ilisimasortanut malittarisassanik unioqqutitsinermi.
- 10) § 15-mi, imm. 2 naapertorlugu immikkut akuersissuteqarnikkut atuinermi, allaaserineqartutuut uppersaammik piumasarineqartutuut § 15, imm. 1 malillugu takutitsinani.
- 11) § 16, imm. 1, naapertorlugu akuersissummi tunniunneqartumi piumasaqaatinik unioqqutitsinermi.

Akuersissummik atorunnaarsitsineq

§ 20. Piniarnermut Naalackersuisoqarfiup akiliuteqarluni aallaaniarnermik aaqqissuussisinnanermut akuersissut atorunnaarsissinnaavaa imaluunniit akiliuteqarluni aallaaniarnermik aaqqissuussisumut akuersissutilorneq unitsissinnaavaa imaattoqarnerani:

- 1) Akiliuteqarluni aallaaniarnermik aaqqissuussisarteq § 10-mi piumasaqaatinik naammassinnikkunnaarpat.
- 2) Akiliuteqarluni aallaaniarnermik aaqqissuussisarteq § 12-mi piumasaqaatinut akerliusumik ilisimasortanik atuippat.
- 3) Akiliuteqarluni aallaaniarnermik aaqqissuussisarteq piffissami qaammagini aqqaneq-marlunni ataannartuni akiliuteqarluni aallaaniarnermik aaqqissuussisimangippat.
- 4) Akiliuteqarluni aallaaniarnermik aaqqissuussisarteq, ilisimasortaq imaluunniit sullitaq akiliuteqarluni aallaaniarnermik aaqqissuussinermit atatillugu nalunaarummi matumani aalajangersakkanik, piniarneq aamma eqqissimatitsineq pillugu aalajangersakkanik atuuttunik imaluunniit sakkut pillugit inatsimmi malittarisassanik aalajangersarneqartunik uteqattaartumik unioqqutitsippat.
- 5) Akiliuteqarluni aallaaniarnermik aaqqissuussisarteq, ilisimasortaq imaluunniit sullitaq piniakkat pillugit nalunaarutit malillugit malittarisassanik unioqqutitsippat, unioqqutitsinerlu akiliuteqarluni aallaaniarnermik aaqqissuussinerup ingerlanneqarneranut toqqaannartumik attuumassuteqarpat.
- 6) Akiliuteqarluni aallaaniarnermik aaqqissuussisarteq § 17 naapertorlugu akuersissutinik atorneqarsimasunik atorneqarsimangitsunillu kiisalu nalunaarusiamik nassiussaqaangippat, imaluunniit
- 7) Akiliuteqarluni aallaaniarnermik aaqqissuussisarteq akitsuutinik aningaasanut inatsit malillugu aalajangersarneqartunik akiliinngippat.

§ 21. Piniarnermut Naalackersuisoqarfiup pisassiissutit atorunnaarsissinnaavai imaluunniit ilanngarsinnaallugit, uumassusilerinikkut allatigulluunniit immikkut ittumik tunngavissaqarpat. Atorunnaarsitsineq ukiumut pisassiissutit nalunaarutigineqarneranni akuersissutinillu tunniussisoqannginnerani nalunaarutigineqassaaq.

Atuutilersitsinermit, atorunnaarsitsineq ikaarsaariartitsinermullu aalajangersakkat

§ 22. Nalunaarut manna 1. juuli 2026-mi atuutilerpoq.

Imm. 2. Peqatigalugu Akiliuteqarluni aallaaniarneq aalisarnerlu pillugit Namminersornerullutik Oqartussat nalunaarutaat nr. 22, 19. agusti 2002-meersoq atorunnaarsinneqarpoq.

Imm. 3. Akiliuteqarluni aallaaniarnermik aaqqissuussisinnanermut akuersissutit atuuttut akiliuteqarluni aallaaniarneq aalisarnerlu pillugit nalunaarut siornatigut atuuttoq, imm. 2 takuuk, tunngavigalugu atuutilersinneqartut atuukkunnaarnissaasa tungaanut atuukkallarput.

Imm. 4. Akuersissutit atuuttut, imm. 3 takuuk, sivitsorneqarsinnaanngillat, taamaattorli taarsiullugu akiliuteqarluni aallaaniarnermik aaqqissuussisarteq nalunaarummi matumani aalajangersakkat naapertorlugit akuersissummik qinnuteqarsinnaassaaq.

Kalaallit Nunaanni Namminersorlutik Oqartussat, ulloq 8. juuni 2026

Peter Borg (atsior.)

Aalisarnermut, Piniarnermut, Nunalerinermut Imminullu Pilersornermut Naalackersuisoq

/Emanuel Rosing (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut